

EQIKKAANEO

Ulloq:
Allaffik: Nordatlantkontoret
Suliarinn.: Maise Biørn Jørgensen
Suliaq nr.: 2019-490-0147
Dok.: 2374980

Inatsisinik atuutsitsillutik oqartussat inunnut paasissutissanik suliarinnittarnerat pillugu inatsisip kunngip peqqussutaatigut Kalaallit Nunaannut atuutilersinneqarnera pillugu peqqusummut missingiut

Oqartussaqaarfiit inatsisinik atuutsitsillutik inunnut paasissutissanik suliarinnittarnerannut aalajangersakkat atuuttut ullumikkut inunnut paasissutissanik suliarinnittarnermut inatsimmi nassaassaapput, peqqussutikkut nr. 1238, 14. oktober 2016-imeersukkut atuutilersinneqartut.

Justitsministeriap oqartussaqaarfiit pinerluttulerinermi inatsisinik atuutsitsillutik inunnut paasissutissanik suliarinnittarnerat pillugu inatsisip Kalaallit Nunaannut atuutilersinneqarnissaanut peqqussummut missingiut suliaraa.

Malittarisassat taakkua Kalaallit Nunaannut atuutilersinneqarnissaanut pingaarnertut siunertaavoq isumannaassallugit Kalaallit Nunaanni aaqiinerit pitsaannerusut piffissamullu naleqqunnerusut, oqartussaqaarfiit pinerluttulerinermi inatsisinik atuutsitsillutik inunnut paasissutissanik suliarinnittarnerat pineqartillugu. Tamaalilluni annertusisamik susassaqaarfimmi Kalaalli Nunaanni aamma Danmarkimi pingaarutilimmik assigiiaartumik inatsisinik atuutsitsisoqassaaq, ilaatigut Kalaallit Nunaanni naagalaaffiup oqartussaqaarfiisa aamma Danmarkimi oqartussaqaarfiit akornanni paasissutissanik avitseqatigiittarnermut eqqaallisaataasussamik.

Peqqussummut missingiut immikkoortunut agguataarneqarpoq, tassunga ilagitillugu atuuffia aamma nassuiaatit (immikkoortoq I), suliarinnittarnermut malittarisassat (immikkoortoq II), nalunaarsorneqartup pisinnaatitaaffii (immikkoortoq III), data-nut akisussaasup aamma data-nik suliarinnittup pisussaataitaaffii (immikkoortoq IV), inunnut paasissutissat isumannaassusaat (immikkoortoq V), data-nik illersuineriut siunnersorti (immikkoortoq VI), inunnut paasissutissanik nunanut pingajuusunut imaluunniit nunarsuarmi kattuffinnut nuussineq (immikkoortoq VII), nakkutilliineq (immikkoortoq VIII), eqqartuussisarnermi atortut, akisussaaffik aamma pineqaatit (immikkoortoq IX), aammalu naggataatigut aalajangersakkat, tassunga ilagitillugit atuutilersitsineriut aalajangersakkat.

Atuuffia pineqartillugu, malittarisassat inunnut paasissutissanik suliarinninnermut atuutissapput, Politiinut aamma unnerluussisussaataasunut suliarinnittunut, tassunga ilagitillugit sakkutuut unnerluussisussaataasui, pinerluttunik isumaginnittut, Politiit Pillugit Maalaaruteqartarfik Attaviitsoq aamma eqqartuussiviit, iliuitsit pinerluttulerinermi eqqartuussisarnermi akisussaatinneqarnermik kinguneqarsinnaasut, imaluunniit pinerluttulerinermi pineqaatissiissutaasinnaasut pitsaaliorniarlugit, paasiniarniarlugit, paasiniarniarlugit imaluunniit eqqartuussivikkut malersorniarlugit, tassunga ilagitillugit tamat isumannaatsuunerannik sioorasaarinernut illersuineq imaluunniit pitsaaliuineq.

Suliarinninnermut malittarisassat pineqartillugit, inatsisinik atuuttunik ingerlatitseqqiineq pineqarneruvoq. Taamaattoq inunnut paasissutissanik toqqortaqarnermut piffissarititaasut aammalu tamatumani naatsorsuinissamut pisariaqartitsineq pillugit tunngavinnik ataasiakkaanik eqqussisoqassaaq, soorluttaaq nalunaarsorneqartut aamma inunnut paasissutissat assigiinngitsunik suussuseqartut akornanni immikkoortitsinermut malittarisassat erseqqissut siunnersuutigineqartut. Oqaaseqaatigineqarli, inunnut paasissutissat pillugit inatsit Kalaallit Nunaannut atuuttoq, sulianut eqqartuussivinnit suliarineqartunut atuutissanngitsoq.

Nalunaarsorneqartut pisinnaatitaaffii pineqartillugit, tassunga ilagitillugit ilisimatinneqarnissamut pisinnaatitaaffik, takunnissinnaatitaaneq, naqqiisinnaatitaaneq aammalu piiasinnaatitaaneq, pineqarpoq pinerluttulerinermi inunnut paasissutissanik suliarinnittarnermut inatsisit atuuttunut tunngatillugu pisinnaatitaaffinnik annertusaaneq. Tamanna pissuteqarpoq, nalunaarsorneqarsimasumut paasissutissiinnissamut pisussaaffik aammalu nalunaarsorneqarsimasup inunnut paasissutissat pillugit akerliliilluni nalunaarnissamut, naqqiinissamut, mattussinissamut aammalu piiannissamut pisinnaatitaaffii pillugit malittarisassat atuuttut pinerluttulerinermi sulianut, eqqartuussiviit, politiit aamma unnerluussisussaataasut sinnerlugit suliarineqartunut, atuutinnginnissaannik.

Data-nut akisussaasup aamma data-nik suliarinnittup pisussaataaffii pineqartillugit, nutaanik pilersitsinerit arlallit eqqartorneqarput, tassunga ilagitillugu data-nik illersuineq pillugu siunnersortimik toqqaanissamut pisussaaffik. Taamaalilluni data-nut akisussaasoq - eqqartuussiviit eqqartuussivittut atuuffitsik tunngavigalugu inunnut paasissutissanik suliarinnittarnerat pinnagu - peqqussutissatut siunnersuut malillugu nutaatut data-nik illersuinnermut siunnersortimik toqqaanissamut pisussaaffeqalissapput, taannalu apeqqutit data-nut tunngasut suulluunniit pineqartillugit akuutinneqartassaaq. Aammattaaq data-nut akisussaasup inunnut paasissutissanik suliarinninneq sioqqullugu, suliarinninneq inuit pisinnaatitaaffii pineqartillugit navianaateqarsinnaasoq, kinguneqaataasinnaasunik misissuissaaq aammalu pisut ilaanni nakkutilliinnermut oqartussanut tusarniaassalluni sioqqutsisumik. Taamatuttaaq pisariaqanngitsumik kinguarsaanertaqanngitsumik data-nut akisussaasoq pisut ilaanni inunnut paasissutissanik suliarinninnerup isumannaatsuutinissaanut unioqqutitsinerit inuit pisinnaatitaaffiitut

navianaateqarsinnaasut nalunaarutigisassavai, nakkutilliinermut oqartussanut aammalu - pisut ilaanni - nalunaarsorneqartoq ilisimatillugu.

Aamma malittarisassanik atuutilersitsinikkut log-erinermt (data-nik ikkussuinermt) piumasaqaatit atuuttut allannngortinneqassapput. Aalajangersarneqarpoq, data-nik suliarinninnermt system-it nammineq ingerlasut peqqussutissap atuutilersinneqarnera sioqqullugu ivertinneqarsimasut, log-erinissamut piumasaqaatip atuuffissai, sorliit tulliullugit nalunaarummi suliarineqassanersut, log-erinissamut piumasaqaatip annertussusissaa pineqartillugu annertunerusumik paasisaqartoqarsinnaanera eqqarsaatigalugu.

Inunnut paasissutissanik nunanut pingajuusunut imaluunniit nunarsuarmi kattuffinnut nuussinermut malittarisassat pineqartillugit, ilaatigut siammasissumik pineqarput malittarisassanik atuuttunik ingerlatitseqqiineq. Oqaatigineqarpoq Danmarkimi inatsisinik atuutsitsinermt inatsimmut atatillugu EU-mi malittarisassaliortoqassasoq data-mik illersuinermt inatsisinik atuutsitsinerup iluani, taamaalilluni inunnut tunngasunik paasissutissanik nunanut pingajuusunut, tassa nunanut EU-p avataaniittunut, tassaniilluni aamma Kalaallit Nunaat, ingerlatitseqqiineq pissammat malittarisaasumik, immikkut ittumik nunanut pingajuusunut inunnut tunngassutilinnik paasissutissanik ingerlatitseqqiinermt inatsit malillugu. Aamma oqaatigineqarpoq inunnut tunngassutilinnik paasissutissanik Kalaallit Nunaannu oqartussaniit Kalaallit Nunaannut oqartussanut allanut ingerlatitseqqiineq, nunanut pingajuusunut ingerlatitseqqiinermt isigineqassanngimmat, inunnut tunngasunut paasissutissanut inatsit malillugu.

Nakkutilliineq pineqartillugu malittarisassat pineqartillugit, inatsisinik atuuttunik ingerlatitseqqiineq annertunerusumik pineqarpoq, tassunga ilagitillugit attuumassuteqannginnissamut piumasaqaat aammalu nakkutilliinermut oqartussat suliaasaanik nassuiaaneq.

Eqqartuussisarnermt atortut, akisussaaffik aamma pineqaatit pillugit malittarisassat pineqartillugit, annerusumik pineqarpoq nalornaarsorneqartup nakkutilliinermik oqartussanut maalaaruteqarsinnaanermut periarfissaa aammalu pisut ilaanni nakkutilliinermik oqartussat aalajangiussaannik eqqartuussivinnut suliaannngortitsisinnaanera pillugu malittarisassat ingerlateqqinneqarnerat. Tamatuma saniatigut nalunaarsorneqartoq periarfissaqarpoq data-nik akisussaasut aamma data-nik suliarinnittut uannga inatsimmik malittarinninnerat pillugu eqqartuussivinnut apeqquaqarnissamut.